


司馬文正公集



PL  
2684  
A1  
1744  
V. 14







司馬文正公集卷之五十三

臨汾後學劉組曾重鐫

七言律詩

和景仁卜居許下

景仁頃見許居洛今而背之故詩中頗致其怨

壯齒相知約歲寒  
索居今日鬢俱班  
拂衣已解虞卿印  
築室何須謝傅山  
許下田園雖有素  
洛中花卉足供閑  
他年決意歸何處  
便見交情厚薄間

奉同運使陳殿丞

知儉字公廩

惜洛陽牡丹爲霜風所損

名花多種欲紛敷  
一夕風霜非所虞  
節物偶然何足道人



情遺恨不能無飄飄健筆詩千首惆悵東風酒百壺縱使  
前春滿朱檻使車那復滯西都

還陳殿丞原人論

宗密所撰破自然破  
元氣破天命明佛性

品物芸芸遊太虛不知誰氏宰洪爐一株花落分榮辱萬  
竅風號見有無覺後共占猶是夢衣中所得亦非珠何如  
鼓瑟浴沂水春服成時詠舞雩

和王秀才

虞仲字  
道齊

以光始自陝右遊山歸復將登少

室爲詩見寄

瘦馬飄飄屢往還疲勞專爲訪名山須知筋力行將老漸



恐峯巒不可攀  
蠟屐早能尋勝概  
彈冠悔更落塵寰  
幸依賢者爲東道  
大得逍遙水石間

和景仁西湖泛舟

滿船歌吹拂春灣  
天外晴霞水底斑  
誰信飛觴臨綺席  
獨能回首望青山  
東門車馬匆匆別  
西洛風煙寂寂閑  
疊石溪頭應更好  
却輸野叟坐林間

新買疊石溪莊再用前韻招景仁

一溪清水珮聲寒  
兩岸莓苔錦繡斑  
三徑誰來卜鄰舍  
千峯我已作家山  
鹿裘藜杖偏宜老  
紫陌紅塵不稱閑  
早挈



言集卷五十三  
琴書遠相就放歌爛醉白雲間

和宇文公南塗中見寄

驄馬烏紗遊洛塵未能全得自繇身  
深慙白首戀微祿不向青山爲散人  
斥鷃卑飛聊取適冥鴻高舉益難親  
蜀都迢遞千餘里徒誦新詩妙入神

和王少卿

尚恭字汝之

十日與留臺國子監崇福宮諸官

赴王尹賞菊之會

儒衣武弁聚華軒盡是西都冷落官  
莫嘆黃花過佳節且將素髮共清歡  
紅牙板急絃聲咽白玉舟橫酒量寬  
青眼



主公情不薄一時省闈要人看

和白都官

片見贈

齒疎鬢白兩眸昏萬事無堪老病身  
脫粟猶霑太倉祿法  
官仍忝外臺臣直緣迂僻求閑地  
豈是孤高慕古人英俊  
滿朝皆稷契太山何必一飛塵

酬邵堯夫見示安樂窩中打乖吟

安樂窩中自在身猶嫌名字落紅塵  
醉吟終日不知老經  
史滿堂誰道貧長掩柴荆避寒暑  
只將花卉記冬春料非  
空處打乖客乃是清朝避世人



和邠守宋度支廸來卜居與南園爲鄰

弱冠交遊鬢髮蒼飽諳官况好深藏閑居共買一壩地盡  
老常依數仞牆雖喜卜鄰同晏子尙慙推宅異周郎何時  
稅此馮熊駕倚杖相迎立路傍

和君貺少林寺

達摩自云傳佛心緒言迷世到于今旣携隻履歸西域安  
得遺靈在少林孤月正明高殿冷清風不斷老松深謝公  
自愛山泉美肯爲幽禪此訪尋

和君貺題潞公東莊



嵩峯遠疊千重雪伊蒲低臨一片天百頃平臯連別館兩  
行疎柳拂清泉國須柱石扶丕構人待樓航濟巨川蕭相  
方如左右手且於窮僻置閑田

和君貺任少師園賞梅

寒壓春頭草未芽喜聞置酒賞新葩官儀赫奕三川守野  
意蕭疎四皓家不用管絃妨淡泊豈容桃李競繁華昏鴉  
散亂傳呼出歸路林間燭影斜

二

風日雖寒晝景長探春遠訪白蓮莊岸冰猶在水先綠柳



百集卷五十三  
四  
葉未生條已黃老木根侵苔徑窄新梅花入酒卮香天真  
不必人修飾得趣勿嫌臺館荒

和公廩喜雪

用莊字韻

曷來河洛久愆陽禱祀徒勞罄肅莊林雪飛花欣暫白麥  
田濡葉未全黃城中稍覺桑薪貴村外時聞社甕香八使  
孜孜憫惻獨斯民那復畏凶荒

和史誠之謝送張明叔梅臺三種梅花

別後相驚兩鬢霜可憐梅蘂爲誰芳臺頭日暖分三色林  
下風清共一香正爛熳時遊不足忽離披去樂難常慙慙



手折遙相贈不欲花前獨舉觴

和國子夏主簿李花

有章

儒宮岑寂覺春閑仙李繁花重壓欄  
碎錦不飛蒙樹合素雲欹亞舉枝難  
能詩此日當推謝捧賜他年足繼桓  
更約雕盤薦秋實豈徒穠艷一朝看

和君貺寄河陽侍中牡丹

真宰無私嫗煦同洛花何事占全功  
山河勢勝帝王宅寒暑氣和天地中  
盡日玉盤堆秀色滿城繡轂走香風  
謝公高興看春物倍憶清伊與碧嵩



又和安國寺及諸園賞牡丹

洛邑牡丹天下最西南土沃得春多一城奇品推安國四  
面名園接月波山相著書稱上藥翰林弄筆作新歌人間  
朱粉無因學浪把菱花百徧磨

酬仲通初提舉崇福宮見寄

富壽安民舊學違符移擁筆素心非青雲有路那足顧白  
髮滿頭胡不歸永日杜門無俗客臨風隱几得天機西山  
爽氣秋應好恨不相從上翠微

去春與景仁同至河陽謁晦叔館於府之後園旣去



晦叔名其館曰禮賢夢得作詩以紀其事光雖愧  
其名亦作詩以繼之

蓬飛輓繫十餘年並蔭華懷出偶然郭隗金臺雖見禮華  
歆龍尾豈能賢浮雲世味閑尤薄寒栢交情老更堅明日  
河梁卽分首人生樂事信難全

與王樂道約會超化寺比至樂道以疾先歸塗中有  
詩見寄

顛毛種種齒浮搖屈指交遊漸寂寥時較半朝非是晚路  
無數里不爲遙子猷垂到復歸去安道雖知未易邀古寺



徘徊久東望青春雲日冷蕭蕭

和王樂道再以詩見寄

諫垣簪筆接英遊今日華顛昔日憂邂逅升沉皆是命逍遙出處本無愁衡門不羨金門貴藿食焉知肉食謀溟海榆枋各安分蓬萊未必勝嵩丘

酬宋叔達

道復古之兄

卜居洛城見寄

離群四十一春風縱有相逢似夢中幸得相逢作鄰舍但嗟彼此是衰翁漢文前席人將去

復古謫官不日牽復

庾信誅茅橐

未充

來詩云自笑顛狂更歸去並無穿繫買山錢

悵望金隄碧蕪濶杖藜攜手



幾時同

和吳辨叔知鳳翔見寄

岐陽府舍始相逢四十餘春屈指中  
昔日布衣今露冕當時小吏亦衰翁  
醉吟久作藏身計條教應多及物功  
惟是綵衣難再著長林極目起悲風

和劉伯壽陪潞公禊飲

旌幢車騎滿沙頭鼓吹喧繁盡鷁浮  
十里羅紈光照地千家簾幕遠臨流  
觴隨洛水周公事月映鳳樓裴相遊  
令典

久墮

火規切

今更舉行聞美俗徧中州



題傳燈錄後

呬著聲聞酒便狂他州浪走不歸鄉誰曾縛汝安用解彼  
自無創勿誤傷探月拾針傳妄語安居暇食賴先王但令  
時世如三代達摩從他面向牆

獨樂園新春

春風與汝不相關何事潛來入我園曲沼揉藍通底綠新  
梅翦綵壓枝繁短莎乍見殊堪喜鳴鳥初聞未覺喧憑仗  
東君徐按轡旋添花卉伴芳樽

和潞公真率會詩



洛下衣冠愛惜春相從小飲任天真隨家所有自可樂爲  
具更微誰笑貧不待珍羞方下箸只將佳景便娛賓庾公  
此興知非淺藜藿終難繼主人

景仁書云去冬困酒病耳病牙遂不入洛以詩寄呈  
許昌携手盡時英况復新開甲第成醉裏都將春作達老  
來不向酒藏情齒疎無廢銜盃趣耳病猶分度曲聲舊友  
昔遊渾忘却可憐寂寂洛陽城

又云新鑄鬴斛與今太府寺尺及權衡若合符契復

次前韻



裁笛累黍久研精况復新修黼斛成豈校忽微爭口語本期淳古變人情旣言樂律符今尺但恐簫韶似鄭聲若欲世人俱信服鳳凰再集潁川城

其夕宿獨樂園詰朝將歸賦詩

平曉何人汲井華轆轤聲發散春鷗開園更有四五日映葉尙餘三兩花宿病岑岑猶帶酒無眠耿耿不禁平聲茶自嫌行樂妨年少遽索籃輿且向家

和邵興宗秋夜學舍宿直

直舍逍遙度清夜慙投逢掖解儒冠高樓影背星河轉疎



竹氣兼風露寒籬下黃花新蘂亂門邊碧柳舊株殘折腰  
把板今無有勿似陶潛遂棄官

月下小飲

美景賞心相值難良宵四座盡儒冠月華過冷衣襟潤酒  
力易消樽俎寒自有笑談供逸氣不須絲竹借餘歡坊樓  
五鼓欲催曙桂影長先高興闌

和子駿洛中書事

西都自古繁華地冠蓋優游萃五方比戶清風人種竹滿  
川濃綠土宜桑鑿龍山斷開天闕導洛波回載羽觴况有



耆英詩酒樂問君何處不如唐

明日雨止復招子駿堯夫遊南園

昨朝洛北阻遊陪惆悵中橋半醉回潑火既經寒食雨解  
醒須撥凍醪醅

詩傳曰春酒凍醪也

遙思花寨交橫錦未分春心斗

頓灰更與二三頭白友試携薄具上高臺

和子華應天院行香歸過洛川

印節傳呼洛北還  
府庭無訟不妨閑  
度橋寒色侵春服  
按轡晴光露曉山  
香穗徘徊迎寶殿  
花籃繁會滿通闌  
自知白雪高難和  
忍愧誰能寄我顏



和伯常自郢州見寄

西郊去歲揖行人柳暗花濃又一春坐想高風清入骨沉

吟佳句健生神潺湲杳靄煙波右

來書云郢西雨多潺湲杳靄

散誕逍

遙興趣新應笑洛陽車馬道緇衣未免化紅塵

和子華喜潞公入覲歸置酒遊諸園賞牡丹

介圭成禮下中天春物雖闌色尙妍園吏望塵皆闢戶肩  
輿回步卽開筵波濤凌亂鞞旁錦風雨縱橫撥底絃洛邑  
衣冠陪後乘尋花載酒願年年

和吳朝議

執中字幾聖

同年謝光與景仁同年見過



結綬東堂同發策白頭相值益相親却思景祐無多日共

見元豐有幾人天下高名歸廣受

二公皆致仕

古來交道重雷

陳謝公身老才方壯落筆成章字字新

伏蒙留守相公賜示陪太師潞公東田宴集詩輒敢

屬和

舞雩新雨浹公田水滿東溪上下天行徑乍迺初見筍浮  
舟正好未生蓮絃收裂帛胡琴闋袖結清風楚舞妍相國  
火城光滿路夜歸不假玉蟾圓

和子華招潞公暑飲



朱門近在府園東  
杖屨過從跬步中  
避暑連翩投轄宴  
析醒蕭灑滿襟風  
閑來高韻渾如鶴  
醉裏朱顏却變童  
翦燭添香歡未極  
但驚銅漏太匆匆

再和伯常見寄

誅茅宋玉宅邊人  
知醉宜城幾甕春  
細雨短簑漁向市  
孤村極浦鼓迎神  
徧遊七澤身忘倦  
更賦千篇意轉新  
不必滄浪羨清泚  
曩來纓上已無塵

和留守相公九月八日與潞公宴趙令園有懷去年

與景仁秉國遊賞



今歲台星聚洛中  
甘棠前後雨陰濃  
英辭唱和詩千首  
高宴遊陪祿萬鍾  
木末霜繁花未落  
雲間字小雁相從  
西湖在望親朋遠  
節物那堪處處逢

和張伯常賀遷資政

不駕使車開漢關

相如

不棲巖穴鍊金丹

子微

豈無開徑三人

友分著垂綏五寸冠

情遊之士

坐飽太倉猶自愧  
謬躋祕殿益

難安願同野老嬉  
堯壤長守先生苜蓿盤

又和南園真率會見贈

白頭難入少年場  
林下相招莫笑狂  
綠篠影侵碁局暗  
黃



梅花漬酒卮香任真自愧殺羞薄假寐初便枕簟涼酬應  
詩豪困牽率從來嬾放似嵇康

送朱校理

案字廉叔知濰州

東國連年水傷稼使君到部卽行春茫茫四野潢汙竭鬱  
鬱萬行桑柘新俗不好奢田器貴獄無留繫吏家貧齊人  
勿怨歸朝速自是承明侍從臣

送冲卿通判河中府

校理吳充

聞道名都行有期依然想見昔遊時寒光一曲秋河轉翠  
嶺三條夕照移孤竹舊風民有讓重華餘教俗無疵不須



到日方登歷已在君家十二詩

送沈寺丞

紳字公儀

知南昌縣

長江湛湛帶楓林古木寒雲縣寺深  
老吏不能容狡獪細民無復有冤侵  
洪崖丹井聞猶在徐孺衡門說可尋  
寧復淹留如寶劍更令牛斗氣沉沉

送茹屯田

孝標

知無爲軍

疊鼓鳴鐃迎候新軍牙子子倚淮津  
聊應衣繡過鄉曲不作引章驚故人  
荻迸短芽淝水暖荷浮圓葉渚湖春  
使君此去榮多少猶是當年書劍身



送張秘校

牧

知分寧

獻臣父

百里大夫官不輕莫嗟領上髮垂星  
人生穀祿偏宜晚世路艱難不厭經  
數曲秋江縈縣白幾峯霽色入簾青  
于公嚮日多陰德已有鵷雛在帝庭

送楊秘丞

秉

通判揚州

昔聞小杜說揚都當日豪華今在無  
江勢橫來控南楚地形前下瞰東吳  
萬商落日船交尾一市春風酒並壚  
得意莫忘京國友踢塵衝雪奉朝趨

送光祿王卿

周

致仕歸荆南



九列誰云非顯塗人生已不負爲儒拂衣長揖夔龍貴散  
髮還爲黃綺徒白鶴歸飛心自遠青霞高舉勢何孤千金  
盡與鄉人費不向江頭買木奴

送仲更歸澤州

太行橫擁巨川回三晉由來產異才展墓乘春走鄉陌負  
書拂曉下蘭臺河陽路側花應合天井關頭雪未開會使  
鄉人驚六印莫羞今日敝裘來

送晁校理

仲衍字  
子長

知懷州

雞犬相聞桑柘春風光明潤帝鄉鄰羣峯斜轉太行角萬



谷同趨馬頰津簪組傾都邀別袂壺漿滿路候行塵非君  
厭薄承明直天子方今重治人

送李侍郎

東之

西京留臺

先公勲烈盛鹽梅清白如聞世濟才華省拂衣辭簿領長  
衢回首謝塵埃嵩峯排戶依稀出洛水迎人迤邐來寄語  
馬前頭白吏何殊昔日李西臺

送致仕朱郎中令孫

世間榮利無窮物奔走勞勞何所之仕宦爲郎非不達功  
名有命待無時橐中雖乏千金直膝下常攜兩綬兒細校



言則才工公集 卷三十三 五  
人生能此少好從間里樂期願

長安送李堯夫同年

昔歲瓊林花氣曛今朝長樂柳梢春事隨流水滔滔度鬢  
結繁霜戢戢新世路飽諳都是夢人生可貴莫如身會須  
築室臨清洛相與攜筇戴葛巾

送白都官歸長安

丈夫那肯浪低眉薄宦空添鬢裏絲瀘水歸來山浩蕩都  
門辭去菊離披黃雞白酒五陵樂杜曲樊川九穀宜復見  
夫君行直道崆峒氣俗未應衰



送齊學士

廓字公闢

知荆南

漢家太守治才高  
楚國山川氣象豪  
旗旆逶迤蟠夢澤  
樓船鼉鼓壓江濤  
雄名誰復知宣武  
遺愛猶應祀叔敖  
何必三年求奏計  
詔書朝夕賜金褒

和李八丈小雪同會有懷鄰幾

天祿淹回德齒尊  
鬢留汾曲兩朱轡  
閑軒坐嘯正飛雪  
同舍倦游來及門  
空嘆高歌如郢客  
愧無佳賦似文園  
坐中猶欠鄰幾在  
深負棊枰與酒樽



司馬文正公集卷之五十三終

司馬文正公集卷之五十四

臨汾後學劉組曾重鐫

五言排律

賞花釣魚

日麗芙蓉闕春濃太液波  
苑門鳴玉集輦路翠華過  
芳樹周阿密嘉魚在渚多  
浮英入樽罍頒首出蒲荷  
人樂熙熙德臣賡旦旦歌  
萬生同鼓舞相與醉天和

邇英閣讀畢後漢書蒙恩賜御筵

赤伏開興運昆陽定壯圖  
官儀還舊物郊兆建新都  
杲日



羣陰破油雲萬類蘇鑾輿陟喬嶽璽綬撫匈奴厚祿優諸  
將嘉猷訪大儒重明紹堂構奕葉奉規模叔世條綱紊遺  
風節義扶袁安空隕涕楊震卒蒙辜佞指車前鹿人瞻屋  
上烏炎精盡河渚黃胄兆當塗青簡傳良直金華侍燕娛  
興衰炳轍跡淑慝粲龜符赫赫天光照孳孳睿思紆方齊  
建武治不啻永平俱化盛文明正恩隆飲食需晞陽慙杞  
棘濡沫愧鵲鵲帝力生成大臣功報效無先民誠可監願  
不忘斯須

寄題張著作

中理

善頌堂

嘉州公裕  
學士之父

玉壘老先生逍遙樂太平門闌百客盛冠蓋一鄉榮國族  
招邀近堂皇指顧成江山對平遠圖史散縱橫止水中心  
適秋毫物外輕鯉庭新露冕閭巷不須驚

奉和江鄰幾文德殿觀文武百官等上尊號十五韻

舜禹曾何與義農實強名含靈徒叶贊造物始無情閭闔  
霏煙澹觚稜曉氣清葳蕤大衢隘殷鑠外朝盈鮮旭分衣  
繪薰風拂佩瓊華顛方內集殊俗海隅傾棨戟金閨奧囊  
書赭案橫敷言齊列位稽首從羣卿不報乾坤施難圖日  
月明仁心由性得治體與時行金石皆中欸丹青豈外榮



功歸元首重澤及草茅輕業業冲虛意區區愛戴誠何爲  
猶讓德不以慰懷生退復歌天保期於采頌聲

太行

象帝胚渾散愚公轍跡開橫行四極外蟠據九河隈  
峩鬱天關近崢嶸地軸回陽崖明草樹陰壑轉風雷  
波沓羣峰涌雲奔峭壁來猿竒垂磊落龍窟闢喧  
虺噴雨驚湍灑跳星巨石頽平塗憂屐折跬步戒  
輪摧覆頂千春雪緣潭萬古苔谷盤容國士髓裂  
餌仙才晉市飛樵札燕郊落燒煤碁圖分冀野  
蟻壤認叢臺在昔王塗塞嘗聞霸略恢嚴關

陰伏甲間道夜銜枚挾詐揮金斗貪功襲墨縑戰場空爝  
火京觀悉蒿萊險易曾何變興亡只可哀隆平方恃德襟  
帶自崔嵬

遣興

京洛紅塵裏閉門常獨居雖無守道愧終與趣時疎文舉  
徒飛表曹邱懶挾書誰憐從宦久不及策名初待兔謀真  
拙屠龍藝亦虛何當治歸計松菊繞吾廬

錢君倚示詩有歸吳之興爲詩三十二韻以贈

吳越爲君土嶠函是我家濯纓從吏事傾蓋聚京華奕世



交朋重

與先君景德二年同年進士

同僚分誼加

光與君倚崇文吏部開封皆同官聲

光嘗耳剽臭味辱肩差選士參縣石烝髦應杯冒帝畿圍

日月蓬堵積煙霞咨訪傾肝膽推褒借齒牙後來慙瓦礫

旁倚愧蘼葭談論寥天一詠諧老栢槎虛舟坦莫逆璞玉

瑩無瑕信美陪遊行胡爲起咄嗟勞歌盡鄉思旅夢各天

涯誠厭簪紳累難堪獄訟譁鋤筍朝插蝟貫索暮如麻霖

霖霑朝服蝟蟾沸尹衙宿姦牢窟宅弊俗費鞭撻鱸膾思

吹絮

吳中食鱸魚膾以楊花爲候

羊羹憶卧沙

關中美羊有卧沙細肋

梅林連雨

熟梨味得霜佳秋色城臨水春風路入花稻肥初斷鱉

斷鱉

事見笠  
澤叢書

桑密不通鷗

秦人謂桑密有  
鷗飛不過之語

蹙衄浮盤芡鉤聯卧

壠瓜江蓴半卷葉石蕨乍舒牙風物隨鄉樂山川苦道遐

若人才有格修已德無邪正恐臨臄髀安能捨鎔鄒怒飛  
期寢逼肥遯迹猶賒下比溝中水微同井底蛙果能真引  
去誰復強邀遮旋結蝸牛舍還乘下澤車閉門常反拒醉  
幘任欹邪林野遊如鹿泥塗蟄似蛇故人時記憶陽羨致  
新茶

次韻和鄰幾秋雨十六韻

氣象殊朝夕興居錯晦明混元初不宰霑雨浩無程墊隘



寧天意咨嗟固物情

音宴溫  
日暖也

方有望蒼蔚已隨生

杲升還隱悽悽斷復行亂莎長被徑荒蘚綠緣薨轍迹康

莊絕潢汙壠畝平茅茨不足庇禾黍若爲成蟋蟀頽牆泣

蚍蜉壤竈盈乘時衆鷗舞得意怒蛙鳴牛馬誰分異蕭蘭

已混并居閑猶叵度負重况遐征舟泊川無渚輪推路有

阡轅羹愁病婦煬竈擁寒嬰災不妨明德神應格至誠淳

光終下燭時藿久心傾

答師道對雪見寄

直講陳洙

陰風一夕驚曉雪滿都城氣覆千家白光連萬象清戀空

飛不下弄態舞相縈歷亂看無定飄飄轉未成綴垣時缺  
剝壓竹乍欹傾細隙過無滯寒牕拂有聲園林勻結練觀  
閣巧彫瓊草木情先喜乾坤意亦榮營魂頓疎健病目慙  
虛明郢曲高誰和羞將叩缶并

喜范景仁直秘閣

延閣屹中天積書雲漢連神宗重其選國士此爲偏夫子  
岷嶓秀聲名俊造先清標峻不極勝氣捷無前待價猶懷  
璧臨岐首著鞭介推不求顯張季久方遷玉檻鈎陳上丹  
梯北斗邊帝容瞻日角

閣有太宗聖容

宸翰照星躔職秩曾無貴



光華在得賢公卿殊未晚尚少買臣年

雙竹詩

上苑通丹禁修林繞玉堂周阿紆鏤檻並幹擢新篁蕭灑  
駢瑤瑤連翩拂璧璫虬騰雙角直鯨噴兩鬚長曉泊煙華  
重晴留雨氣涼分音成律呂齊秀待鸞凰碧借雲霞潤清  
依日月光物情知有謂天造固無方比節羣誠合虛心至  
道彰吾君愈勤德不敢有嘉祥

秋夕不寐呈諫長樂道龍圖

雨氣生煙暈霜寒入漏聲疎籬過螢影腐葉掩蟲鳴邱壑

違初願簪裙狗外榮丹心終夜苦白髮詰朝生恩與乾坤  
大身如草木輕何階致明主垂拱視昇平

奉和何濟川代書三十韻寄諸同舍

金馬延羣雋芸香聚衆書杳疑神境絕深與世塵疎氣逼  
煙霄爽光分日月餘不材叨誤選故友幸聯居雲蓋森朝  
騎天閣謹契魚後先陪賈馬左右揖嚴徐朱閣雙清外璇  
題日上初辭林精采擷藝圃縱遊魚決勝楸枰瞋窮歡綺  
席舒朝昏升紫闥咫尺待彫輿玉壘俄鄉思銅符忽詔除  
綵衣承几杖華轂照圍廬四郭柑垂蔭千塍稻散渠壺漿



迎露冕饒吹擁高旛有德能仁虎無欺恥怒狙道途繁揖  
讓犴獄絕淪胥滯穗棲場圃鳴桴靜里閭貧寧費官燭饑  
不茹家蔬翁子懷青綬文園駕赤車古今相與校勝負定  
何如上正開宣室人方誦子虛追鋒行入謁委佩復傳臚  
撫已聊晞驥臨民遽起予居然耗廩祿豈不愧簪裾鵜翼  
顏何厚錐囊意未攄因循戀糠粃汨沒老塗淤自顧徒爲  
爾誠非益者歟俄承呂公檄遂策阮生驢驛騎傳巴徼詩  
筒達魯墟琳琅固無價燕石敢沾諸

奉和始平公酬大資政吳侍郎

道盛經綸業文高翰墨場雍容偃藩地密邇釣璜鄉回首  
紅塵遠清心白日長山形抱城堞谿影照公堂秣稔千塍  
碧芙蕖萬頃香跨波橫略徇逼地亞簣簞大埜禾麻溢高  
齋几席涼夔龍屢賡唱東壁正垂光

和叔度獨登天臺水亭

郊外靈潭濶新亭占曲隄戲魚迎墜絮驚雉出荒蹊綠倒  
楊梢亂光翻芰葉齊雨餘纖月偃野迥斷雲低水氣常噴  
薄天風助慘悽何知塵外境近在郡樓西

三月十五日宿魏雲夫山莊



先生嫌俗賔猶與故鄉親不惜煙霞地暫容縉紳身林廬  
深有徑雞犬寂無鄰蔌蔌閑花墮蒼蒼古栢春飯炊松粒  
細盤采蕨芽新靜覺精神健閑知氣味真谿泉冷毛髮山  
翠濕衣巾竹色消醒易林聲破夢頻客輪來去轍驛路古  
今塵明日空回首白雲應笑人

登平陸北山回瞰陝城奉寄李八丈學士使君二十

二韻

漢家二千石體望向來尊况復嚴徐客從前益稷孫公侯  
貴不絕禮樂器長存符竹臨分陝聲光應列藩親聞先契

重

三司同僚

子舍近交敦

滑州同幕

栢壘依仁域棠陰接故園懷歸

聊露請予告辱推恩荷祓煩疆候停車下郡門帷牆紛大

館騶騎屈朱轡不以黎苗待還將臭味論森羅牢禮重滅

裂俗儀煩霜霽威嚴息春生笑語溫草微侵碧甃塵不染

華軒日影搖雲棟風痕過玉樽落塵歌迫出激楚袖雙翻

雅戲象交局珍看熊薦蹕河梁俄首路汾曲訪吹塤舉手

辭雙戟騰裝改北轅烏飛城樹曉鴈泊野蕪暄耿耿清標

潤泔泔宿酒昏百蟠縈阪道數里豁川原跋馬風煙外依

稀鼓吹喧



員村坂

其東八政水卽古之傅巖有傳說廟又東北虞城古虞公之國也

穹谷鬱盤紆河瀕陝北隅泉流涓不絕岡勢儼相扶初旭  
紛高下空煙似有無石灘醒耳快嶠樹宰雲孤天霽嵐光  
活人稀草色蘇牧兒歌自若樵子遠相呼壞道傍連傳空  
城右指虞窮巖今寂寞蔓草只荒蕪野店寒餐澁山程瘦  
馬瘡物華供興趣亦足慰崎嶇

和河陽王宣徽

拱辰字君貺

九日平嵩閣宴集

九日英僚集千秋勝賞同飛橋貫河渚危閣壓霜風金散  
黃花泛雷驚疊鼓通百峰高鳥外萬里寸眸中檻底臨丹

葉杯中倒碧嵩來雲低拂座去鴈遠沉空吹帽陪遊阻搖  
旌結想叢風流免堙滅鄒湛倚羊公

追和張學士從沂公遊廣固城

蒼鵝集宋幕遊鹿上燕臺霸氣山河盡王師江漢來重圍  
經歲合巖鎖夜深開廢殿餘沙礫頽牆翳草萊清時間千  
歲良牧借三台獄市乘餘暇蕪城賦上才

去歲與東郡幕府諸君同遊河亭望太行雪飲酒賦  
詩今冬罷歸京邑悵然有懷

疇昔追清景狂吟忘苦寒河冰塞津口山雪照林端健筆



千篇富醇醪一醉歡困猶揮落塵暝不顧歸鞍多事光陰  
捷離羣會合難誰知塵滿袖今日客長安

石昌言學士宰中牟日爲詩見寄久未之答今冬罷

武成幕來京師此詩謝之

楊休

昔年三月浪鱗翼化雲雷竹箭流俱上芙蓉幕對開

昌言釋褐

除同州推官  
光華州判官

漢泉揚沸渭泰華聳崔嵬捧檄容歸省飛觴

復屢陪

時先人知同州光以吏事  
時往省覲復得與昌言遊

芬芳襲芝室嘉慶侍蘭

堦吳壁評殘筆隋碑讀漬苔

同州龍興寺卽隋文帝故宅  
寺有李德林撰碑國公吳道

子畫畫或未就而止  
云以俟後之能者

清陰依玉樹和氣樂春臺薄宦俄成

別私門忽遇災一朝捐綵服五載泣麤縗季路還從仕任  
安獨見哀近畿須健令劇邑試長才過目全牛解迎鋒巨  
枿摧雉留乘蔭伏蝗避境苗迴時得鳴琴暇仍飛麗句來  
正知榮篋筭無足報璫瑰統鼓俄攀鄧安車已召枚賦成  
平樂館燕奉栢梁盃自顧誠駑緩于今尚草萊履穿羞路  
雪蓋敝怯京埃儻借餘光便炎風動死灰

西臺詩二十四韻

翰苑昔陪侍天光辱顧瞻寵雖承渙汗功不立毫纖山鹿  
纓頻頓鈇刀礪不銛拭花眸子缺撚雪領髭添跼影慙尸



素胡顏處禁嚴辭盈雖免戾取少詎因廉定鼎分都異張  
官執法兼剡章愚懇盡出綍茂恩霑原憲非無粟胡威尚  
有縑求田近瀍洛買宅混閭閻地僻宜花卉兒勤付米鹽  
倦遊良足悔居吉不煩占裘葛膚無見困倉飯屬饜僧居  
閑可借野步靜無嫌行樂筇枝瘦延賓稻醴甜麥田泥試  
屐桑蔭帽低簷愛竹忙猶種貪書老未厭松煙溪石潤檀  
燼博山尖牋啓來慵折衣冠脫怕拈紫毫斜倚架黃卷密  
垂籤涸轍猶蒙潤寒灰免附炎所憂資秩滿但願歲時淹  
自是散無用非爲智養恬聖朝英彥富幸許一夫潛

和范景仁疊石溪

谿邊有村落未始識紛華去縣只數里居民踰百家山腰  
荒徑轉谷口翠微遮老木紛無際重巒浩莫涯力窮纔到  
頂勢盡復成窪不定雲煙色難名藥草芽泥鈞羅比屋澗  
石載連車

谷口多甕窰土人自女兒澗采石載來賣之爲活

宛有淳風在誰云太

古遐梁隨木性曲簷逐地形斜榛路牛呼犢叢祠雀噪蛇  
倚崖松偃蓋落石浪翻花安用遊青嶠何須躡紫霞好將  
詩筆寫還入帝城誇已買漁樵舍母令後約差

亨杞下第作詩示之



清白君家舊文章時態新何妨偶蹉跌未必遂沉淪莫歎  
科名晚惟憂道誼貧進修專在已得失盡由人孝友亦爲  
政簞瓢足養親那將少年淚容易輒傷春

又和惜春謠

朝來風雨歇春意漠然收去我不辭訣憑誰能借留杓星  
漸西轉洛水自東流曲渚散華屋芳園罷彩毬雉鳴丘麥  
秀蠶起野桑柔亂絮天涯滿晴陽草際浮已嗟心緒減況  
復鬢絲稠懶聽新翻曲非爲負勝遊

劉伯壽坐中度  
曲命曰惜春謠

和潞公遊天章楚諫議園宅

名卿新治第上宰舊連牆槐蔭青青葉星鄰兩兩光林花  
裂錦狹門路築沙長共引庭間水交生壁外篁魚窺薦琴  
石螢散讀書牀玉帳方懷遠松齋欲就荒旌幢今少憩蘭  
蕙不徒芳早晚平狼望同來舉壽觴

和君貺暮秋四日登石家寺閣晚泛洛舟

葉下宮槐老雲飛洛浦秋復陪元禮棹却望仲宣樓曲岸  
迷頻轉遙山碎不流夷猶聊寓賞浩蕩得忘憂晨出露漸  
徑昏歸月滿舟星河散寥廓珠貝映汀洲林館回車入壺  
觴秉燭遊山公興未盡徒御且番休

右泛舟



和君貺宴張氏梅臺

京洛春何早，憑高種嶺梅。  
紛披百株密，爛熳一朝開。  
青女工黏綴，霜娥巧翦裁。  
崑山雲滿谷，蓬渚浪成堆。  
勢擁樽前合，香從席下來。  
蛺蝶天起練，甲冑兵回不使光。  
風散曾無夜色催，人稠衣馥郁，地狹舞徘徊。  
民服召公化，時推何遜才。

何遜有早梅詩

淹留文酒樂，壁上瑤臺

和君貺清明與上巳日泛舟洛川十韻

繁華兩佳節，邂逅同時雅。  
俗共爲樂風，光如有期曉。  
煙新里巷春，服滿津涯已。  
散漢宮燭，仍浮洛水卮。  
占花分設

席愛柳就張帷華轂爭門去輕簾夾路垂一川雲錦爛四  
座玉山欹疊鼓傳遙吹輕撓破直漪清淡何袞袞和氣益  
熙熙想見周南俗當年播逸詩

喜雨呈明叔

蘊隆亦太甚蒼蔚不朝躋直可憂秋廩非徒病夏畦民心  
或能徹天造固難稽黯淡雲纔簇滂沱日未西衣襟坐來  
冷城闕望中迷園筍新梢活庭蕉濕葉底響從窻破紙行  
喜屐生泥昨旦煩相報憑君謝竹鷄

明叔家舊養竹鷄放  
之林中今蕃息頗多

俗以爲

雨候



南園雨霽景物粗佳懷楚正叔王安之

洛陽秋雨闌荒圃物華饒白鶴寒尤盛紅薇晚未彫鳥驚  
朱實墮雲滅翠岑遙楊子方嘲白相如尚苦瘠

安之有疾徘徊

瞻望近邂逅笑談遼官冷慙無具相思不敢招

潞公遊龍門光以室家病不獲叅陪獻詩十六韻

旄節擁憑熊逶迤向鑿龍順成時過蜡閉塞令行冬雪壘  
痕猶濕梅林思已濃傳呼空谷應前導白雲逢飛蓋多邀  
客停車數問儂禹功雙壁斷佛劫萬龕重絕頂標孤剎疎  
林透遠鍾氣蒸泉郁郁冰綻水溶溶藥閣低臨渚茅庵背

倚峰凍醪資野酌寒筍佐晨饗

公作藥寮潞公庵臨伊庵皆在龍門

碁局移

依石茶爐坐蔭松醉醒皆衆共小大盡公從顧以私恩累  
難追勝賞蹤原思初不病叔夜亦非慵稽古慙經笥摛華  
怯筆鋒會須參後乘異日待從容

奉和大夫同年張兄會南園詩

徽字伯常

露濃秋過半氣爽雨收餘取酒邀嘉客呼兒掃敝廬生涯  
數畝地官業一軒書竹結垂綸屋泉分入座渠愜心皆樂  
事容膝卽安居梁靜棲無鷺波澄戲有魚茂林穿繚繞微  
徑步虛徐果落方知熟莎長不忍除過從常苦遠接待每



慙疎不厭茅茨陋時迂長者車

和吳冲卿病中偶書呈諸同舍光時亦臥疾

病來門不掃秋草翳吾廬棄置賢人酒蕭條長者車冥迷  
牀鬪蟻潤漚篴生魚藥物從無繼簞瓢自有餘形神寂可  
弔身世邈相疎何事文園客消中亦著書

清明日興宗飲趙道士東軒

佳遊得令辰過此不爲春一境風光秀萬家煙火新鷺初  
飛玉殿草不染香輪逼水蒲牙短圍隄柳帶勻縱談高出  
古落筆健生神日暮還醒去林花應笑人

三月三十日微雨偶成詩二十四韻書懷獻留守開

府太尉兼呈真率諸公

春盡少歡意昏昏睡思添正憂花意索更用雨聲兼乍語  
鶯喉澁慵飛柳絮黏落英紅沒砌茂草碧侵簾寶相錦鋪  
架醪醺雪擁簷沼萍浮鈿靨林筍露犀尖坐惜光風駛行  
愁畏日炎追隨任塵甌歌笑望霜髯落筆詩情放飛觥酒  
令嚴金丹呼勝彩玉燭擢新籤傲岸冠巾側淋浪襟袖霑  
饑仍留瘦馬歸必待清蟾筋力雖無幾娛遊亦未厭脫身  
離簿領適性得閭閻多病非辭貴無才豈養恬清塗誠愧



言具文上公集 卷五十四  
三  
忝微祿已傷廉日費須三爵年支仰數縑糒糧粗能足著  
蔡不煩占河洛今爲盛圖書昔所潛家家花啓戶處處酒  
飄帘溫飽資兼愛安平倚具瞻愚夫猶樂育下客愈撝謙  
落拓形骸逸優遊歲月淹餘生信多幸狂醉亦無嫌

和安之喜雨

吁嗟方請雨潤溽果如占黍稷固有望來麴亦未嫌聲繁  
清倦枕氣冷入疎簾蔓喜龍頭舉泉驚虎爪添田疇誠最  
急花藥不妨兼詩伯才盈斛聊應費筆尖

和潞公伏日讌府園示坐客

盛陽金氣伏華宇玉樽開真率除煩禮耆英集上才炎蒸  
疑遠避流景忘西頽幸忝俊遊並仍慙右席陪蒲葵參執  
扇冰果侑傳杯相國方留客如何務早回

景仁將歸潁昌輒爲詩二十四韻紀贈

秀發西南美挺生河嶽靈雕龍蔚文采老鶴瑩儀形落筆  
高時雋飛綏侍帝庭英聲軼雲漢遠勢擊滄溟苦節專憂  
國嘉謀每據經溫雖比圭璧直不避雷霆道勝軒裳薄神  
和氣體寧忠誠懷猷猷樂事寄林壑藻鑑評隨月過從德  
應星苦吟金出礪確論木銜釘賤子叨流輩高風仰典型



巨川容滴水餘景借流螢久別眉俱白重來眼更青淹留

弦與晦遊集醉還醒有酒須相就無歌不共聽奇花喧夕

市疊鼓咽春亭揚袂行辭洛回車去望陘

許西北有陘山見來書

往

還天表鴈離合浪間萍異日期同傳

景仁嘗言佗日與光若得在國史必同傳

窮泉約互銘

光與景仁約後死者當爲先死者作墓銘

古今難得事交分保頽

齡

送導江李主簿君俞

學海無涯富辭鋒一戰勲聲華掩終賈賦頌繼淵雲五斗  
爲邊吏千倉飽戍軍明恩美尤異優秩賞能勤黃祖陰懷

怒張湯巧用文折雖因木秀燒不變蘭薰迹有窮通異心  
無得喪分龍蛇寧久蟄玉石豈俱焚蜀國花饒思臨卽酒  
易醺西風時有意尺紙慰離羣

送聶之美攝尉韋城

徒勞已足倦漂泊益栖遑短劒無三尺征衣共一囊折腰  
從事馬贊謁使君堂併日屢承檄無時不裹糧官曹大兒  
戲弓槊小軍行破柱翻偷窟傾林索盜賊村墟旅顏黑風  
日故衫黃暝宿投烟舍朝餐蔭道桑唯憂課書殿豈慕薦  
飛章志氣空磅礴才華浪激昂鐫鑱圭始瑩磨拂劒尤光



言馬文正公集 卷五十四  
衣褐仍纏袴無羞俗吏裝

送孟著作

翱字仲習知濟陰

聖主焦勞意誰云百里輕東州比災害劇令選精明水去  
良田潤人歸旅穀生閭閻還舊觀鷄犬變新聲盜散疲民  
活姦窮老吏驚政成知不日雙耳爲君傾

送吳耿先生

先生通六經大義客關中今還建陽北山

儒服若煙海幾人潛聖心難才誠自昔賤學況於今夫子  
獨神解明時何陸沉太羹無和味至樂寡知音礚礚貂裘  
敝飄飄鶴髮侵遊秦不得意思越動長吟甌米難求玉經

囊益少金拂衣謝賓友縱棹指雲岑積葉迷幽徑荒滕絡  
舊林澗猿驚重至野老喜相尋山色猶當戶絃聲不變琴  
人生貴適意何必慕華簪

送高陟歸金陵

三舉不登科以好學孝弟聞於鄉里

之子秣陵去悠悠天塹東帆開曉風疾潮落夜江空在昔  
才華盛至今人物豐山川氣雖盡龍虎勢猶雄卞玉已三  
獻齊禽會一冲當令關下吏洗目認終童

送史館唐祠部

詢字彥猷

江南西路轉運使

豪傑爭唐鹿江南號富強明時雖混一餘俗尚彫傷稅版



言思五上公集 卷五十四  
誅求急詞曹牒訴忙皇心愍頽弊使節付才良貪吏先投  
紱姦民盡越鄉閭閭無插筆田畝有棲糧漢閣歸期濶隋  
河去驛長風高片帆疾鉦鼓入秋光

送邵不疑知常州

宦學不營身京華費十春非貪爲郡樂意欲與民親祖帳  
青門道歸帆楊子津江山舊遊在煙土故鄉鄰敢惜離羣  
濶欣聞得更循嗟余一囊米深負鬢絲新

送韓直講

鐸字  
子文鄆州寧親

車馬儼何之東岡舊有陂三年別親意千里達家時去仕

元戎幕來爲太學師寧須負斗米不復斷機絲物色迎歸  
鞚光輝入壽卮人生無此樂此樂獨君知

送丁秘丞

翊字公佐

知雍丘

古縣跨河流人繁軍市稠羽飛朝暮驛鮮疊往來舟况擅  
才華久時推政治尤足猶妨老驥目不礙全牛從道西來  
近能無東望愁時因趨上府窮巷一相求

送次道通判西京

相府新承檄蘭臺舊校文題輿榮得士把袂惜離羣首夏  
郊原秀晴陽草樹曛觚稜日邊遠闕塞霧中分翠嶺林端



出飛泉竹外聞金羈遊爛熳珠履醉繽紛人服聲光重官  
無簿領勤歸期肯留滯漢主待淵雲

送張少卿學士

子憲知洪州

相府典型在朝閨望實高紬書榮史觀典樂重卿曹夷路  
迎飛鞚桑林應奏刀家簾傳舊學廟鼎刻前勞祛服屯千  
騎連檣閱萬艘劍芒衝夜氣閣影動秋濤風色傳花信煙  
光拂酒膏使君專問俗無意在遊遨

送祖擇之守陝

聲教空巖穴夫君集帝庭辭華動丹旻光價塞青冥峻德

爭推轂榮塗易建瓴陸離寒水玉磊落曙天星得喪誰先  
識艱虞困屢經蹉跎渥洼足漂泊鳳凰翎粉署疏恩紀甘  
棠寄典型仁風思布濩疲俗待綏寧賤子良多愧餘光每  
乞靈題名聯士版占籍備民丁種種顛毛白蕭蕭壟柏青  
陌頭瞻皂蓋獨立涕飄零

和人葦花

葭莢迷河曲高秋一番榮齊紈張野白楚練照川明不夜  
月長皎踰時雪未晴萬仙霓被合千畝玉苗生漠漠波瀾  
偃茫茫沙磧平際空鹽海竭垂地塞雲橫日暖鷗無色風



高鶴有聲逢君得嘲賦豈愧束薪并

贈外兄吳之才

挺

何須親始重友分固非疎况復羈孤極同經憂患餘晚成  
應大器先得類凡魚遊衍陪嚴忌聲華誦子虛蒲輪詔枚  
叔駟馬寵相如莫忘西都日寒牕夜讀書

七言排律

和任屯田

迥字元道感舊敘懷

結交英俊樂如何風誼敦明寄詠歌自致青雲今有幾化  
爲異物已居多櫝中本自沽良價毫末安能滑至和鄰笛

不堪頻嘆息酒爐那得重經過年華易過牕塵影人事難  
期海水波賢業著鞭猶可在况君壯齒未蹉跎

送張太博肅知岳州

巖風秀木折爲薪得罪由來爲出羣弱弱黃雞憎鶴介  
芄青蔓掩蘭薰天資讒嫉多端巧人極精明不易分飲水  
豈言吳刺史謗書翻似馬將軍波濤洶湧動寒野樓閣崔  
嵬壓暮雲紅葉寺深秋暖見蒼山鍾迥夜深聞何妨絕境  
聊爲隱正恐中朝亟用君身外百愁俱擲置放歌沉飲且  
曠曠



司馬文正公集卷之五十四終

司馬文正公集卷之五十五

臨汾後學劉組曾重鐫

五言絕句

又贈謂之

三首

文藻兼名理三吳第一賢  
鄉心幾千里飛鴈滿秋天

二

籬下多新菊淵明歸思長  
主人方愛客未得傲羲皇

三

君念東歸日應須晝繡榮  
當令故關吏還識棄繻生



重九日憶菊

節物都何晚佳辰容易過黃花不足念當柰酒盃何

前年春與楚正叔同遊陟岵寺今茲已復周歲窅然

思之

陟岵寺南山曾陪半日閑春來夢携手宛在白雲間

曉霽

夢覺繁聲絕林光透隙來開門驚鳥鳥餘滴墮蒼苔

觀江上人壁許道寧畫寒林

昔曾驅瘦馬衝雪過滎陽不悟當時景蕭然在此堂

自都往餘杭懷聶之美

閣上新文卷欲逢知己開相思不能已歆枕夢君來

夢與之美爲寒食遊

寒食無佳賞芳菲半已空夜來逢勝友未至負東風

待詔二首

京洛風塵裏相逢眼盡青故人多密近誰誦四隅銘

二

待詔久公車囊裝半已虛雄文雖雅麗未得似相如

中秋陪張龍圖讌射堂初夕陰雲酒行頓解嘉而成



詠

飛蓋共徘徊西園高宴開秋雲惜明月留待庾公來

九日登麻蘭坂

客路逢佳節無歡更益愁前山造雲日登陟不因遊

春曉

鍾漏初傳曉滿窓風雨寒東岡行可種欹枕不成安

梅花三首

從與夫君別寒花幾度春坐愁芳樹老况乃鑑中人

二

塞北爲君戍江南是妾家遙知關外雪正似嶺頭花

三

驛使何時發憑君寄一枝隴頭人不識空向笛中吹

山家

林下脫雙履牕邊挂幅巾閑堂風掩戶斷嶺月窺人

數日不至後圃今晚偶來芳物都盡率然成詩

爛熳不鮮賞飄零空慘悽殘紅正滿地不忍踏芳蹊

上郡南三十里有相思亭在太山之麓二水所交平

臯之上往來者徒習其名莫詳其義慶歷甲申歲



余適延安過於其下于時夏虜梗邊征戍未息竊  
感東山采薇之義叙其情而愍其勞因作五詩庶  
幾不違周公之指且以釋亭之名爾

慶歷四年作

嶺上雙流水猶知會合時行人過於此那得不相思

二

偃蹇登修阪高侵雲日間幾人征戍客跋馬望家山

三

塞下春寒在東風雪滿鬚河陽機上婦知我苦辛無

四

柳似妖嬈舞花如爛熳粧那堪隴頭水嗚咽斷人腸

五

空外遊絲轉飄揚似妾心別來今幾日髣髴近雕陰

二月二十四日館宿興宗舍後桃花盛開偶書牖上

金馬春寂寂穠桃隨意開夕風零落盡不待主人來

二月十一日與一二僚友遊叔禮園亭以詩戲呈

下馬久徘徊林芳殊未開春風真有意須待主翁來

十四日小園置茶招宗聖應之皆辭以醉爲詩贈之

草樹弄春暉家家倒載歸誰憐獨醒客日暝掩雙扉



同僚有獨遊東園者小詩寄之三首

車馬東城路芬芳數里塵風光不相待愁殺未遊人

二

咫尺東園樂無如簿領何春風連夜惡聞道落花多

三

城樓傳晚鼓稍稍訟庭稀起拂衣中土還乘款段歸

晚行後園見菊戲宜甫

野菊荒無數班班初見花徑須求一醉試遣問東家

再呈宜甫

西家壺已倒次第向東鄰朱戶如堅閉黃花惡笑人  
宜甫家有金鈴菊客未之識因代菊贈宜甫

主人倦邀客寂寞委蒼苔此日開無益明年不復開

### 大熱

山澤欲焦枯炎光滿太虛不知天地外暑氣復何如

貢院中戲從元禮求酒

大常博士畢田

顧我虛囁耻知君餘瀝多庭前有春雪如此薄寒何

### 石閣春望

極目千里外川原繡畫新方知平地上見不盡青春



遊噴玉潭二首

其日  
大風

驚風動地起遊客望山行若待佳辰去應無好事名

二

萬木吼窮谷驚駘屹不前猶勝望塵客佇立九衢邊

登長安見山樓

到官今十日纔得一朝閑歲晚愁雲合登樓不見山

別長安

甞來還復去夢裏到長安可惜終南色臨行子細看

和景仁題崇福宮

二首

歷歷山頭雪泠泠松下風樽中亦有酒恨不與君同

二

不獨山頭白人頭亦垂素積雪有時消青山色如故

花庵二首

誰謂花庵小纔容三兩人君看賓席上經月有疑塵

二

誰謂花庵漏徒爲見者嗤此中勝廣厦人自不能知

景仁思歸雨未克行以詩留之

嘉客念歸程泥深未可行今朝陰又重春雨亦多情



言馬文正公集 卷五十五  
送景仁至丁正臣園寄主人

客到暫開扃春燕生滿庭主人殊不顧修竹爲誰青

貽夸者

我樂非君樂君憂非我憂蓬蒿與溟渤終老不同遊

春遊

人物競紛華驪駒逐鈿車此時松與柏不及道旁花

早春寄景仁二首

辛夷花爛開故人殊未來愁看柳漸綠忍更折殘梅

去歲  
景仁

約辛夷花開卽來  
洛中芍藥謝乃去

二

疊石溪上春茅茨卜築新前言如不踐山蟬又笑人

瞑目

瞑目思千古飄然一烘塵山川宛如舊多少未來人

獨樂園二首

獨樂園中客朝朝常閉門端居無一事今日又黃昏

二

客到暫冠帶客歸還上關朱門客如市豈得似林間

放鸚鵡二首

司馬文正公集

卷五十五

五言絕句

七



野性思歸久籠樊今始開雖知主恩厚何日肯重來

二

雖道長安樂爭如在隴頭林間祝聖主萬歲復千秋

初夏獨遊南園二首

取醉非無酒忘憂亦有花慙來疑是客歸去不成家

二

桃李都無日梧桐半死身那堪衰病意更作獨遊人

釣魚有感

野釣披榛竹無人知往來高空飛不下鷗鳥已相猜

孫器之奉使淮浙至江爲書見寄以詩謝之五首

羈矢迎山驛輶車下帝臺夜看牛斗分應有使星來

二

曉棹旌旗迥暮河鉦鼓喧商船極目避漢使一何尊

三

吳釀木蘭春

蘇州有木  
蘭堂酒

江鱸白錦鱗玉盤聊下筯初識紫

絲蓴

四

岫貼晴天闊舟緣石岸深

吳江中石  
岸長數里

遙知作書處纜裊綠



波心

五

沙漱鶴爭飛波光可染衣松江異淇水信美不如歸

器之家衛

州

送伯淳監汝州酒

惟知負米樂不覺抱關卑出處兩得意是非皆自知

園中書事二絕

芳洲晚日鮮曲岸新雨好紅薇點圓荷金莖出幽草

二

坐嗅白蓮蕊臥看青竹枝閑齋不成寐起讀聖俞詩

潮水詩 二首

平江欲上潮古木自蕭蕭兩岸饒葭葦寒波浸寂寥

二

淋淋出海門百里雪花噴坐看東歸去平沙空有痕

疊石溪二首

道傍行采藥石底卧題名

溪邊有石橫出下甚隘景仁卧其下題名而去

野老相

迎拜谿童乍見驚

二



司馬文正公集 卷五十五  
山鳥勸人飲 山多提壺鳥  
山蟬笑我狂 山蟬聲如笑  
歸時興未盡不  
得看斜陽

二  
四  
二

司馬文正公集卷之五十五終

司馬文正公集卷之五十六

臨汾後學劉組曾重鐫

七言絕句

夏日西齋書事

榴花映葉未全開  
槐影沉沉雨勢來  
小院地偏人不到  
滿庭鳥迹印蒼苔

過故洛陽城

二首

四合連山繚繞青  
三川滉漾素波明  
春風不識興亡意  
草色年年滿故城



司馬文正公集 卷五十一  
二  
煙愁雨嘯柰華生宮闕簪萼舊帝京若問古今興廢事請  
君只看洛陽城

初春登興國寺塔

雨過風清露氣勻林花變色柳條新爲君作意登高處試  
望皇州表裏春

執酒

執酒勸君君盡之今朝取醉不當疑好風好景心無事閑  
利閑名何足知

河橋春別

河橋春盡送君歸  
又惜無歡度此時  
亂花滿眼遮人望  
不見行塵空酒旗

松江

吳山黯黯江水清  
欲雨未雨傷交情  
扁舟蕩漾泊何處  
紅蓼白蘋相映生

二

秋風索索連江起  
暮過煙波十餘里  
長蘆瘦竹映漁家  
燈火渺茫寒照水



和張推官同年師爽春陰無緒偶成

澹泊輕雲寒不收  
未成春雨只添愁  
風煙寂寞幾何限  
盡入憑高一寸眸

二

薄寒未去臘纔過  
春色先知在綠波  
不是宿雲能作思  
大都王粲自情多

鷺鷥

清閑自合無憂累  
白髮何因更颯然  
遙望孤飛下秋水  
雪花一片落晴天

飲吳之才家

京洛相逢設主人  
富家鼎食不如貧  
解衣換酒同爲樂  
知是交情百倍親

晚秋洛中思歸東園

不利不名空去國  
鴈飛葉落未歸來  
秋風肯待主人至  
籬下黃花隨意開

普明寺荷塘上置酒

菡萏飄零水寂寥  
敗荷疎柳共蕭條  
煙斜雨細愁無限  
醇酒十分不易消



和景文議交絕句

邇來友義漸隳頽直諒多聞貴不同  
勢利相交何足道已知餘耳愧陳雷

和道矩紅梨花二首

繁枝細葉互低昂香敵酴醾艷海棠  
應爲窮邊太寥落併將春色付穠芳

二

蜀江新錦濯朝陽楚國纖腰傳薄粧  
何事白花零落早同時不敢鬪芬芳

和懋賢聞道矩小園置酒助以酒果副之以詩

芙蓉幕下惜餘閑不使芳華取次殘珍果醇醪與新句併  
將佳味助清歡

病酒呈晉州李八丈

身如五嶺炎蒸裏心似三江高浪中誰道醉鄉風土好舟  
車常願不相通

三月晦日登豐州故城

春盡蕪城天一涯白榆生莢柳生花滿川戰骨知誰罪深  
屬來人戒覆車



又寄聶之美

心目悠悠逐去鴻  
別來容易四秋風  
莫嗟密密書連紙  
萬里經年信一通

柳枝詞十三首

煙滿上林春未歸  
三三兩兩雪花飛  
柳條別得東皇意  
映隄拂水已依依

二

依依高樹出宮牆  
搖曳青絲百尺長  
願與宣溫萬年樹  
年年歲歲奉君王

三

君王遊豫賞青春  
折柳爲拳賜侍臣  
莫恠長條低拂地  
只緣供掃屬車塵

四

屬車隱隱遠如雷  
陳后愁眉久不開  
楊花都不知人意  
故入長門宮裏來

五

長門宮曉未成粧  
結雨縈風蔽瑣窓  
莫令透入華梁鷺  
那堪負汝更雙雙



六

雙雙春鵲颺雲霄  
楚國宮深樂事饒  
會待急管繁絃際  
試取纖條並舞腰

七

舞腰繽紛長樂東  
柳間帳飲送春風  
請君試望邯鄲道  
青門裊裊徹新豐

八

新豐道上灞陵頭  
又送夫君去遠遊  
借問柳枝能寄否  
古今共有幾多愁

九

多愁尤是別離深  
折條相贈各沾襟  
留住不住居人意  
欲去未去行人心

十

行人白馬去遙遙  
初上金堤欲過橋  
望塵不見遮人眼  
苦怨無情萬萬條

十一

五柳先生門乍開  
宅邊植杖久徘徊  
陌頭遙認顏光祿  
詰旦先乘瘦馬來



言思文正公集  
卷五十一  
六  
十二

白雪雖然比絮花  
艷陽不得共繁華  
爲君故入烏衣巷  
飛舞風流謝傳家

十三

宣陽門前三月初  
家家楊柳綠藏烏  
歡似白花飄蕩去  
忍能棄擲博山爐

武成致齋奉酬吳冲卿寺丞大學宿直見寄二首

廣文更直太常齋  
咫尺無從盡素懷  
不及清風得隨意  
夜深容易過天街

二

雪後餘冰尙綴簷月華霜氣入疎簾難堪瓊玉驚心骨坐  
覺清寒幾倍添

河邊曉望

高浪崩奔捲白沙悠悠極望入天涯誰能脫落塵中意乘  
興東遊坐石槎

邊將 三首

紅旗一簇聚山椒霽日清風看射鵬脫帽胡兒遙稽首漢  
家新將霍嫖姚



月白星稀霜氣多  
卷旗束甲涉葱河  
田家不覺官軍度  
夜半只聞風雨過

三

橫吹長笛千萬騎  
將軍塞北立功迴  
邊人爭出孤城望  
漸見旌旗天外來

夢穉子

窮泉纖骨已成塵  
幽草閑花二十春  
昔日相逢猶是夢  
今宵夢裏更非真

酬次道扳橋晚望見寄

春來曾約醉河橋深負垂楊千萬條今日都門相望處西風亂葉正蕭蕭

雙井茶寄贈范景仁

春睡無端巧逐人驅訶不去苦相親欲憑洪井真茶力試遣刀圭報谷神

昌言有詠石髮詩三章模寫精楷殆難復加僕雖未睹茲物而已若識之久者輒復強爲三詩以繼其後非敢庶幾肩差適足爲前詩之輿臺耳

校理石楊休



司馬文正公集 卷五十六  
萬古風濤浸石巖老苔垂足細鬢髮傳聞海底珠無數何  
事從來散不簪

二

金闕銀城仙客居欲傳消息問麻姑蓬萊無物堪爲信剪  
寄蒼龍一握鬚

三

琅菜來從若木邊西王母傳有碧海之琅菜非膏非沐綠宛延玉盤委  
積羞嘉客不是陶家無饌錢

秦人

楚旗獵獵蓋山紅回首咸陽一炬空惆悵秦人虛用意幾年辛苦得山東

興宗許菊久之未得

邵亢

菊栽許送定如何庭下不堪秋草多九日無花更無酒便攜藜杖直相過

得菊栽并詩

黃花小墪和煙斲野興蕭蕭已相逐同來更得兼詩句久立看詩忘栽菊

太博同年葉兄紆以詩及建茶爲貺家有蜀牋二軸



示馬才公集  
輒敢繫詩二章獻於左右亦投桃報李之意也

閩山草木未全春  
破穎真茶采擷新  
雅意不忘同臭味  
先分疇昔桂堂人

二

西來萬里浣花牋  
舒卷雲霞照手鮮  
書笥久藏無可稱  
願投詩客助新編

孟嘗

冠蓋盈門意氣豪  
海魚兼肉未充庖  
歸來散盡三千客  
方悟時人市道交

留客

酒煙漠漠自生春  
舞袖飄飄拍拍新  
須信客歸絲竹散  
清風白月解愁人

小詩招僚友晚遊後園二首

五陵年少競春暉  
肥馬銀鞍白玉羈  
何似松間煮新茗  
更來花底覆殘棋

二

麥田小雨隴微青  
草樹欣欣照晚晴  
花下客來醒亦好  
猶勝閉戶過清明



深夜

疎星映戶月流天羣動收聲四寂然嗟爾寒蛩怨何事悲  
吟微曙亦無眠

昌言謫官符離有病鶴折翼舟載以行及還修注始  
平公以詩問之命光同賦二首

曾下青田啄玉苗泥沙病羽久蕭條謫仙不欲留塵世依  
舊提攜上碧霄

二

相閣書傳紫闥深破緘先問九臯禽不令一物傷天理仁

愛方知真宰心

和聶之美重遊東郡

南湖重過正逢春  
官柳雖疎亦解新  
臺榭傾歆賓友散  
臨風愁殺獨遊人

夷齊

夷齊雙骨已成塵  
獨有清名日日新  
餓死溝中人不識  
可憐今古幾何人

龍女祠後塘自生荷花數枝與史誠之更相酬和

平湖漠漠芰荷稠  
水國芳春不勝秋  
空有棹歌人不見  
晚



風一曲去悠悠

二

越女行歌縱棹輕蒼茫別浦晚煙凝荷花折盡不歸去  
澹灩扁舟不易勝

三

荷底清漣照綺羅長安公子舊情多躊躇不去知君意重  
唱吳音白紵歌

四

賀監家居逸興饒枝分鑑水闊容舸穿荷宜去邀漁叟共

醉船頭半榼醪

五

清江向晚採蓮稀  
獨倚蘭舟久未歸  
目斷可堪人不至  
斜風細雨濕羅衣

六

素舸朱蓬青竹篙  
棹歌風散近還遙  
斜陽借問歸何處  
家住水村郎姓蕭

七

別殿無人利自芳  
玉階朱檻繞金塘  
館娃寂寞無西子  
羞



言思之正公集  
卷五十六  
三  
與吳宮競曉粧

感懷

昨日春冰破水邊今朝臘雪墜風前年華過目疾飛鳥壯志如何不着鞭

讀潁公清風集四首

伊臯垂訓皆王度周召陳詩盡國風非獨立言方不朽相君功業自無窮

二

人生百歲隙中光唯有高名久不亡千古但令編簡在清

風養物一何長

三

佳城鬱鬱閼英靈幸有文章見典刑  
開卷未終雙袖濕目  
前髣髴對淵庭

四

一言華袞足爲榮况託文編久愈明  
鄒湛不逢羊叔子世  
間何處復知名

公集有遺  
光詩數章

不寐

四遠寂然羣動收只餘嚴鼓度坊樓  
無由更續三更夢何



言思文正公集  
卷五十六  
三  
處飛來一點愁

雞

羽短籠深不得飛  
久留寧爲稻粱肥  
膠膠風雨鳴何苦  
滿室高眠正掩扉

三月十五日宿魏雲夫山莊

聞道山家門鎮開  
獨驅瘦馬出塵埃  
白雲明月先無約  
何事今宵亦此來

陝城桃李零落已盡  
硤石山中今方盛  
開馬上口占  
西望飛花千樹暗  
東來芳蘂一番新  
行人不惜泥塗倦  
喜

見年光兩處春

自澠至洛循穀水行百餘里

已煩穀水遠相送更得嵩峯遙見迎  
水碧峯青看未足却愁前到洛陽城

長垣道中作

極目王畿四坦然方輿如地蓋如天  
始知恃險不如德去殺勝殘已百年

再使河北

桑麥青青四月初皇華使者又脂車  
爲臣豈得辭王事只

同馬文正公集

卷五十六

絕句

古



向金鑾坐讀書

河北道中作三首

綠柳陰中白浪花  
河邊日日暗風沙  
解鞍縱馬悄無事  
隱几看書隨處家

二

河勢東迴今幾年  
濃陰滿目盡桑田  
川原變化無終極  
一氣不爲常寂然

三

原上纍纍古塚高  
昔時意氣盡賢豪  
斷碑名姓已磨滅  
永

日東風吹野蒿

和任開叔觀福嚴院舊題名

墨蹤塵淡鬢華新  
猶喜重來值故人  
二十二年如轉目  
洛陽不改舊時春

和李君錫惠書及詩勉以早歸

書意勤渠詩意新  
清如白雪暖如春  
西遊不盡谿山樂  
策馬歸來就故人

和君錫雪後招探春

莫嫌微雪壓梅芽  
已有歸鴻泊浦沙  
天上詔來難久駐  
直



須早看洛陽花

醉

厚於太古暖於春耳目無營見道真果使屈原知醉趣當年不作獨醒人

留別東郡諸僚友

際日浮空漲海流蟲沙龍蜃各優游津涯浩蕩雖難測不見驚瀾曾覆舟

二

白璧紫金爲世寶賢愚知貴莫能名廟堂祭器杯盤物隨

處得之光彩生

三

楚國良金百鍊精深藏求售價連城豈徒豐獄吹毛利兼  
有秦臺照膽明

四

祖帳飄揚隄柳邊北來飛蓋復連翩追隨不忍輕言別迴  
首城樓沒晚煙

五

空府同來賢大夫短亭門外即長塗不辭爛醉樽前倒明



司馬文正公集 卷五十一  
日此歡重得無

昌言見督詩債戲呈絕句

學餒才貧杼軸勞踰年避債負詩豪倒囊不惜償虛券未  
敵瓊瑤舊價高

靜夜

午夜空齋四悄然清寒透骨不成眠秋風故揭疎簾起正  
漏月華來枕前

春

紅桃素李競年華周徧長安萬萬家何事青青庭下柏東

風吹盡亦無花

寄題陟屺寺

鄭南峯下寺前軒反景分明見渭川爲報十年容易別於  
今愁悴不如先

寄鄭縣史令千之

前君爲白馬尉解舍前卽  
南浦今西溪封內勝地也

憐君比比得佳縣勝槩閑情雙有餘爲看西溪日沉後何  
如南浦月生初

二

長春宮柳遠扶疎新樹應多舊已枯蠹柱苔牆徧尋歷古



言思文正公集 卷五十六  
亭猶有杜詩無

鴈歸

亦知南國稻梁肥  
水滿春江努力歸  
聞道楚人繒繳細  
平沙短草盡藏機

獨步至洛濱二首

拜表歸來抵寺居  
解鞍縱馬罷傳呼  
紫衣金帶盡脫去  
便是林間一野夫

二

草軟波清沙徑微  
手攜筇竹着深衣  
白鷗不信忘機久  
見

我猶穿岸柳飛

送酒與邵堯夫

紅櫻零落杏花開  
春物相催次第來  
莫作林間獨醒客  
任從花笑玉山頽

邵堯夫許來石閣久待不至

淡日濃雲合復開  
碧嵩清洛遠縈迴  
林端高閣望已久  
花外小車猶未來

和范景仁宿憇鶴寺

回廊複閣勢縈紆  
四嶺中涵一氣虛  
最愛欣欣向榮木  
每



來相見不相疎

和范景仁遊壽安

宜陽城下作遊人都爲衣冠不繫身衆竅怒號成地籟也  
勝終日在紅塵

噴玉潭

千尺崖頭一派清古今不絕墜崢嶸長風卷起散巖壑此  
日方知噴玉名

和張伯常賀遷資政又書一絕戲呈

伯常遠自郢中回喜與愁心相繼來幸得蒹葭依玉樹慙

將瓦礫報瓊瑰

和宋次道奉慈齋宮見寄

去住邈如霄與塵依依欲別更相親  
雖知洛邑饒英俊莫忘齋廬並直人

應天院朝拜回呈景仁

鷄鳴上馬過河橋何異東都赴早朝  
紅日已高猶熟寢比君殊未得逍遙

和君貺老君廟姚黃牡丹

芳菲觸目已蕭然獨著金衣奉老仙  
若占上春先秀發千



花百卉不成妍

又和董氏東園檜屏石牀

密葉蕭森翠幕紆  
翫來猶恨不長居  
脫冠解帶坐終日  
花落石牀春自如

看花四絕句

洛陽相望盡名園  
牆外花勝牆裏看  
手摘青梅共援酒  
何須一一具杯盤

二

洛陽相識盡名流  
騎馬遊勝下馬遊  
乘興東西無不到  
但

逢青眼卽淹留

三

洛陽春日寂繁華  
紅綠陰中十萬家  
誰道羣花如錦繡  
人將錦繡學羣花

四

南園桃李近方栽  
澆水未乾花已開  
山果野蔬隨分有  
交遊不厭但頻來

二月六日初見待漏房前柳色微綠欣然成詠

宮城映出絲絲綠  
頓覺皇州春意回  
從此不辭驅瘦馬  
六



街終日踏塵埃

垂柳

天意清和二月初  
春風不動整如梳  
陶潛宅外時無此  
想更蕭條不易居

閑居

故人通貴絕相過  
門外真堪置雀羅  
我已幽慵僮更懶  
雨來春草一番多

送酒與邵堯夫因戲之

前送牡丹藥苗  
堯夫皆有詩

林下雖無憂可消  
許由聞說掛空瓢  
請君呼取孟光飲  
共

插花枝煮藥苗

和王安之四絕句

野軒

黃雞白酒田間樂  
藜杖葛巾林下風  
更若食芹仍暴背  
野懷併在一軒中

汗亭

雜花亂種盤渦底  
小屋深居鑑燧心  
朝市囂聲那得到  
晨昏暑氣不能侵

藥軒



雨餘條甲繞堦生  
往往桐君昔未名  
采貯不須勤暴蕘  
秋陽日日滿簷楹

晚暉亭

俯臨城市厭諠譁  
回顧園林景更加  
醉立斜陽頭似雪  
往來誤認白公家

樂天西樓獨立詩云身著白衣頭似雪時  
時獨立小樓中路人回顧應生怪十六年

來見  
此翁

自題寫真

黃面霜鬚細瘦身  
從來未識漫相親  
居然不可市朝住  
骨相天生林野人

和景仁七十一偶成

心地長閑爲已物年華不住是天時當如海上乘槎客維  
楫都無任所之

六十寄景仁

從來好與天爭力困竭方知己力微見事晚於籛伯玉今  
知五十九年非

次韻和宋復古春日五絕句

雪霜衰鬢拔還生桃李新園長未成五十尙能勝六十今  
年又減去年情



二

車如流水馬如龍  
花市相逢咽不通  
獨閉柴荆老春色  
任佗陌上暮塵紅

三

東城絲網蹴紅毬  
北里瓊樓唱石州  
堪笑迂儒竹齋裏  
眼昏逼紙看蠅頭

四

家藏歌吹只西鄰  
吹落梅花歌落塵  
百葉桃開深院裏  
輸佗白髮有情人

五

鶯拂人衣絮撲頭紅英滿地綠陰稠殘春舉目多愁思休  
上迢迢百尺樓

和王安之今春於鄭國相公及光處得綴珠蓮各一  
本植之盆中仲夏始見一花喜而成詠末句云未  
知先合謝誰家

春凍消時種兩芽南風薰日見孤花先開必自陶鈞力且  
合歸功丞相家

呈樂道



言思文正公集 卷五十六 三  
歡遊俛仰皆陳迹薄宦須臾卽色空試憶昔年雙桂會只  
如前日夢魂中

王安之以詩二絕見招作真率會光以無從者不及

赴依韻和呈

真率由來無次第

來詩云真率會名今第幾

經旬踰月不爲稀藍輿但

恨無人舉

今日軍士皆請糧不獲趨赴

坐想紛紛醉落暉

來詩云數酌仍須就晚暉

二

杯盤豐腆勝陶令園沼繁華減白家惆悵佳辰掩蓬蓽不

陪高會賞鄰花

來示云下瞰鄰花

用安之韻招君從安之正叔不疑南園爲真率會二  
首

榆錢凌亂柳花飛枝上紅英漸漸稀莫厭銜杯不虛日須  
知共力惜春暉

二

真率春來頻宴聚不過東里卽西家小園容易邀嘉客饌  
具雖無亦有花

二十六日作真率會伯康與君從七十八歲安之七  
十七歲正叔七十四歲不疑七十三歲叔違七十



司馬文正公集 卷五十一 六  
歲光六十五歲合五百壹拾伍歲口號成詩用安  
之前韻

七人五百有餘歲同醉花前今古稀走馬鬪鷄非我事紵

衣絲髮且相暉

樂天九老詩云七  
人五百七十歲

二

經春無事連翩醉彼此往來能幾家切莫辭斟十分酒儘  
從佗笑滿頭花

別用韻

坐中七叟推年紀比較前人少幾多花似錦紅頭雪白不

遊不飲欲如何

邀子駿堯夫賞西街諸花

今年節物非常晚  
春盡西街花尙多  
試問二三真率友  
小車籃舁肯重過

呈張子賤朝散

名于新自安  
邑徙居洛

近時洛社名真率  
簞食壺漿取次遊  
試問西來老朝散  
可能同志便相收

月下小飲

舉首孤輪不似遙  
尊前狂氣出雲霄  
嫦娥不惜借丹桂  
欲



就高枝掛酒瓢

慶曆七年祀南郊禮畢賀赦

雷鼓千通破大幽  
天開獄鑰縱纍囚  
驛書散出先飛鳥  
一日恩流四百州

興宗約遊會靈久不聞問以詩趣之

勝地何妨行樂頻  
萬雙白璧不餘春  
臘醅已老久未壓  
楊柳青青不待人

其日雨中聞姚黃開戲成詩二章呈子駿堯夫

穀雨後來花更濃

洛人謂穀雨爲牡丹厄今年穀雨後名花始開

前時已見玉玲

瓏前時與堯夫遊西街得新出自千葉花以呈潞公潞公名之曰玉玲瓏

客來更說姚黃發

只在街西相第東

園夫張八家在富相宅東

二

小雨留春春未歸  
好花雖有恐行稀  
勸君披取魚蓑去  
走看姚黃判濕衣

和子華遊君貺園

甲第朱門久不開  
春風潛入發江梅  
今朝丞相雙車轍  
碾破林間水畔苔

二



小桃似喜相君來爭發新花繼落梅更仗環溪醒殘酒沒

篙春水綠於苔

太尉公引水繞園可  
以泛舟名曰環溪

又和上元日遊南園賞梅花

梅簇荒臺自可羞相君愛賞忘宵遊未言美實調羹味且  
薦清香泛酒甌

又和遊趙中令園

中令園陪丞相遊百分勸酒不須愁春風陌上醒歸去只  
恐更爲桃李羞

又和遊吳氏園二首

天氣清和無喘牛花林爛熳竹林幽臨風高詠足爲樂有  
勇知方笑仲由

二

名園易主似行郵美竹高松景自幽誰悟本來天地物長  
爲已有固無由

又卽事二章上呈

雨不成遊半路歸逢花值柳依依朝來頓飲三杯酒醉  
卧西齋晝掩扉

二



言思文正公集 卷五十六  
三  
覺後追思氣味長歡情愁緒兩俱忘近來方得醉中趣熟  
寐沉沉是醉鄉

聞正叔與客過趙園歡飲戲成小詩

吾廬寂寞類荒村但有林間鳥雀喧不似楚家多樂事笙  
歌拾得醉鄰園

寒食遊南園獨飲

寒食良辰無賞心雜花爛熳柳成陰若非獨酌酬佳景一  
日風光直萬金

次前韻 二首

頭白惜春情更深花間獨醉競分陰  
泉聲醒耳自可樂不用歌拋滿袖金

二

南園莫笑獨追尋明日未知晴與陰  
揮手一朝辭逆旅滿堂安用累千金

觀孫兒戲感懷

我昔垂髫今白頭中間萬事水東流  
此心爭得還如是戲走階前不識愁

和秉國寄子駿堯夫二留臺



言馬先生公集 卷五十六  
一臺二妙日追遊琥珀香醪白玉甌相下不厭賢者意尚  
言執友欠龍頭

和潞公行及白馬寺得留守相公書云名園例惜好  
花以俟同賞詩二章

雲漢成章湛露晞都門宴餞羽觴飛謝安不復東山去爭  
似阿衡得謝歸

二

相國東郊迂帝師油幢交映碧參差都人共喜安輿到正  
是餘花可惜時

和潞公招堯夫不至

東閣樽罍招共飲後房羅綺約同觀  
旣無薊子分身術須欠車公一座歡

再和秉國約遊石淙

上國分攜十五秋未嘗偶坐捧茶甌  
石淙今會須如約彼此霜毛各滿頭

席君從於洛城種金橘今秋始結六實  
以其四獻開府太師招三客以賞之  
留守相公時賦詩以紀其事光竊不自  
揆輒依高韻繼成五章



宜春果結洛陽枝

太師云此果本出袁州

正遇耆朋會客時更引輕

舟倚蘆岸香秔鮮鱸雅相宜

二

圓小香黃珠顆垂結成洛邑重霜時相公和氣陶羣物不  
是寒溫變土宜

三

君從好事不知疲種子成株凡幾時摘獻帝師三取二自  
嘗兩顆且隨宜

四

物不須多且賞奇禦寒想見結庵時江南江北徒虛語盡  
信前書是不宜

五

敝居橘亦自南移愛護栽培費歲時前此實成酸苦甚應  
由與德不相宜

和留守相公寄酒與景仁

想對白衣初滿傾執杯未飲已詩成懷賢孤坐悄無語不  
是朝來困宿醒

和秉國芙蓉五章



清曉霜華漫白濃獨憑愛日養殘紅勸君秉燭須勤賞閨闔難禁一夜風

二

北方稀見誠奇物筆界輕絲指捻紅楚蜀可憐人不賞墻根屋角數無窮

三

平昔低頭避桃李英華今發歲云秋盛時已過渾如我醉舞狂歌插滿頭

四

後時獨立誠難事猶賴階庭有菊叢綽約霜前弄姿態非如羣木萬林紅

五

但見涉江求水際豈知勝木采霜中微紅未肯全衰歇正似酤顏鶴髮翁

華嚴真師以詩見貺聊成二章紀其趣尚

知足隨緣處處安一身溫飽不爲難禪房窄小纔容榻此外從佗世界寬

二



素髮青眸七十餘未嘗遊學只安居旁無几杖身輕健應  
爲心閑得自如

和子華過王師家見梅花盛開呈君實子駿兼簡堯  
夫

去年與客盡清歡今日重來立馬看猶足攜觴同醉在只  
愁風雨橫相干

效趙學士體成口號十章獻開府太師

都人共喜太師回

頻必切

戶爭迎不得催正值土樓灘水

淺大家出手挽船來

二

東郊車馬走紅塵城外多於城裏人  
誰信今朝還政後過如前歲下車新

三

歸來甫可及春殘丞相頻邀賞  
牡丹遠處名園多不到尊前日獻百餘盤

四

洛陽風俗重繁華荷擔樵夫亦戴花  
貪看二公同宴會遊人昏黑忘還家



五

公厨敕許釀芳樽  
屢喚賓朋醉後園  
謔浪略無名位間  
誰人知道太師尊

六

過春稀復到諸園  
厭苦終朝鼓吹喧  
招得老僧江外至  
啜茶揮麈話松軒

七

東田小籍選新聲  
歌吹胡琴色色精  
客少有時全不用  
天然水竹湛餘清

八

首夏清和新雨晴  
綠莎細軟不妨行  
園夫遮道白何事  
梔子花開斑笋生

九

矮帽長條紫縠衫  
朱門深靜似重巖  
莫言永日渾無事  
種藥移花一一監

十

八十聰明強健身  
况從壯歲秉鴻鈞  
功名富貴古亦有  
無事歸來能幾人



虞部劉員外約遊金明光以賤事失期劉惠詩見嘲

以詩四首謝之 宗孟

絲管嘈嘈耳不分綺羅雜沓自成春  
不唯漢帝昆明小更覺唐家曲水貧

二

絳闕朝歸散玉珂不遊不飲奈春何  
皇仁聽使歡娛極白簡從君冷峭多

三

碧柳紅桃照眼春綺肴芳醴集朝紳  
自嫌林野疎頑迹難

預風流席上賓

四

上苑花繁高覆牆  
曲隄風暖柳絲長  
爐邊應有步兵尉  
甕下難尋吏部郎



司馬文正公集卷之五十六終



